




ხაშურის მთაშვე



№10 (261)

29 ივნისი,

2020 წელი

ჩვენს

მკითხველებს

კორონავირუსმა, რომელმაც ჩინეთის ქალაქ უხანიდან დაიწყო სიცოცხლე, მთელი მსოფლიო მოიცვა და პრაქტიკულად, არ დარჩა სახელმწიფო, სადაც მან თავისი მსახვრალი ხელი არ დაატყო. რომ არა ჯანდაცვის მუშაკთა საოცარი თავდადება, მთელ მსოფლიოს, შეიძლება ითქვას, აღარაფერი აკლდა სრულ კოლაფსამდე. კარანტინში და იზოლაციაში მოექცა მილიონობით ადამიანი და, რა თქმა უნდა, გამონაკლისი არც საქართველო ყოფილა, სადაც ჩვენი გმირი ექიმების და მთავრობის ზედმიწევნით სწორი რეგულაციებით, მოხერხდა, რომ ვირუსის დამანგრეველი შედეგები მინიმალური ყოფილიყო. დღეისათვის შეზღუდვები ოდნავ შემსუბუქდა და ჩვენი რედაქციაც ჩვეულ რეჟიმს დაუბრუნდა. ყოველ შემთხვევაში, ამ ეტაპზე დასრულებულია “იძულებითი შესვენება” და ჩვენი ვალდებულებების შესრულება მკითხველის წინაშე გრძელდება. წლის ბოლომდე ჯერ კიდევ დიდი დროა და რედაქცია ეცდება გაზეთის ე.წ. “ჩაგდებული ეგზემპლარები” დამატებითი ნომრების გამოშვებით აანაზღაუროს და თუ ეს ვერ მოხერხდა, ჩვენი ხელმძღვრებისთვის, ხელშეკრულებით გათვალისწინებული ვადა გაგრძელდება იმ დრომდე, ვიდრე სრულიად არ მოხდება დანაკლისის ანაზღაურება.

ჩვენ ვგრძნობთ უდიდეს პასუხისმგებლობას თქვენს წინაშე, ძვირფასო მკითხველო, ვაფასებთ თქვენს ერთგულებას ჩვენი გაზეთისადმი და ვეცდებით ამ ერთგულებას ერთგულებითვე ვუპასუხოთ.

წლის ბოლომდე ხაშურს 13 კმ-იანი ოთხზოლიანი მაგისტრალური შემოვლითი გზა ექნება - სამშენებლო სამუშაოები პრემიერ-მინისტრმა დაათვალიერა

2020 წლის ბოლომდე ხაშურს 13 კმ-იანი, ოთხზოლიანი მაგისტრალური შემოვლითი გზა ექნება, - სამშენებლო სამუშაოები, რომელიც სხვა სისტემური ინფრასტრუქტურული პროექტების მსგავსად, საგანგებო მდგომარეობის პირობებშიც არ შეჩერებულა, საქართველოს პრემიერ-მინისტრმა გიორგი გახარიამ გარემოს დაცვისა და სოფლის მეურნეობის მინისტრ ლევან დავითაშვილსა და შიდა ქართლის რეგიონის გუბერნატორ გიორგი ხოჯევანიშვილთან ერთად დაათვალიერა.

რეგიონული განვითარებისა და ინფრასტრუქტურის მინისტრის პირველმა მოადგილემ, საავტომობილო გზების დეპარტამენტის ხელმძღვანელმა ირაკლი ქარსელაძემ პრემიერს მიაწოდა ინფორმაცია, რომ ამ დროისთვის, სამუშაოები 1,9 კმ-იან მონაკვეთზე მიმდინარეობს, სადაც ასევე შენდება 420-მეტრიანი ხიდი, რომელსაც საქართველოში ყველაზე მაღალი ბურჯები ექნება.

პრემიერ-მინისტრმა განაცხადა, რომ აღნიშნული მონაკვეთი, ქვეყნის მთავარი სატრანზიტო ავტომაგისტრალის შემადგენელი ნაწილია და მისი ექსპლუატაციაში შესვლით ჩქაროსნული გზის გამტარუნარიანობა მნიშვნელოვნად გაიზრდება. პროექტის დასრულების შედეგად, ასევე გაიზრდება ავტოტრანსპორტის მოძრაობის უსაფრთხოების დონე და შემცირდება მგზავრობის დრო, გადაზიდვების ხარჯები, რაც ხელს შეუწყობს სატრანზიტო მიმოსვლის ზრდას და შესაბამისად, ქვეყნის ეკონომიკის გაძლიერებას.

ზემო ოსიაური-ჩუმათელეთის გზის მეორე მონაკვეთის დარჩენილი 6.4 კმ-იანი გზის მშენებლობისთვის, ამ ეტაპზე მიმდინარეობს სატენდერო წინადადებების შერჩევა-შეფასება.



“ივერიის” სტადიონი, რამდენიმე თვეში, ახალ სიცოცხლეს დაიწყებს

ხაშურის “ივერიის” საფეხბურთო სტადიონის მშენებლობა ინტენსიურ რეჟიმში ხორციელდება. მიმდინარე სამუშაოები საქართველოს ფეხბურთის ფედერაციის პრეზიდენტმა, ლევან კობიაშვილმა, შიდა ქართლის რწმუნებულის პირველმა მოადგილემ სიმონ გულელანმა და ხაშურის მუნიციპალიტეტის მერმა გიორგი გურასპაშვილმა ფეხბურთის ფედერაციისა და ადგილობრივი თვითმმართველობის წარმომადგენლებთან ერთად ადგილზე მოინახულეს.



ტერიტორიაზე განთავსდება საერთაშორისო სტანდარტების შესაბამისი საფეხბურთო მოედანი, 2000 მაყურებელზე გათვლილი ტრიბუნა, განათება, დამხმარე შენობა-ნაგებობები, ავტოსადგომი, გამწვანების ზოლი და საფეხმავლო ბილიკები. მშენებლობის დასრულება მიმდინარე წლის ბოლომდე იგეგმება.

სტადიონის მშენებლობა მუნიციპალური განვითარების ფონდისა და ადგილობრივი მუნიციპალიტეტის თანადაფინანსებით ხორციელდება.



კორონავირუსის ეპიდემიის საფრთხე ჯერ კიდევ არ ჩამქრალა, საქართველოს მთავრობა ძალისხმევას არ იშურებს სხვადასხვა პრევენციული ღონისძიების გასატარებლად და მოსახლეობას კვლავ სიფრთხილის ზომების დაცვისკენ მოუწოდებს. დაიკეტა რამდენიმე მუნიციპალიტეტი და სოფელი. ამ მხრივ, არც ისე რთული ეპიდემიოლოგიური ვითარება იყო ხაშურში. ხაშურის საზოგადოებრივი ჯანდაცვის სამსახური სრულ მოზილიზებაში იყო. გატარდა ყველა ის ღონისძიება, რომელიც საქართველოს მთავრობისა და ჯანდაცვის ორგანიზაციის მიერ იყო რეკომენდებული. თუ რა ღონისძიებები გატარდა, როგორი ეპიდ. სიტუაცია იყო და არის ჩვენ მუნიციპალიტეტში, ამაზე ხაშურის საზოგადოებრივი ჯანდაცვის სამსახურის უფროსი დავით ჩიქოვანი ისაუბრებს და წარმოგვიდგენს ერთგვარ ხუთთვიან ანგარიშს:

ხაშურის საზოგადოებრივი ჯანდაცვის სამსახური - კორონავირუსთან ბრძოლის წინა ხაზზე

– კორონავირუსის ინფექციის გავრცელებასთან დაკავშირებით, პირველი მონიტორინგი ხაშურის მუნიციპალიტეტის

თანამშრომლების მიერ უტარდებოდათ ყოველდღიური თერმოსკრინინგი (პათოლოგია არ გამოვლენილა).

12 აპრილს, სოფელ ხიდისყურში დაფიქსირდა კორონავირუსის შემთხვევა (თბილისიდან აგარაკზე ჩამოსული პირი). მოხდა სოფლის ბლოკირება, ჩატარდა ეპიდკვლევა, გამოძახებული იქნა გორის რეგიონული ლაბორატორია, საექსპერტო კონტაქტებზე აღებული იქნა ნაცხი და ისინი გადაყვანილ იქნენ გორის სამხედრო ჰოსპიტალში. მათგან, ერთს დაუდასტურდა კორონა ვირუსი,

ჩატარდა მთელი უბნის თერმოსკრინინგი. სოფელი გამოცხადდა საკარანტონო ზონად; 14-25 აპრილის პერიოდში, ჩვენი ცენტრის მიერ მიმდინარეობდა ყოველდღიური თერმოსკრინინგი და მონიტორინგი. პათოლოგიის ნიშნები არ გამოვლენილა.

2 მაისს, თვითიზოლაციაზე აყვანილი იქნა 16 პირი, რომელთა ერთერთ ოჯახის წევრს თბილისში დაუდასტურდა კოვიდ-19. აღნიშნულ პირებს ჩაუტარდათ ტესტირება პროტოკოლის მიხედვით და პასუხები იყო უარყოფითი.

16 მაისს, სურამის ერთერთ საცხოვრებელში იმყოფებოდა პირი (სატვირთოს მძღოლი, შემოსული სომხეთიდან), რომელსაც შემდგომ დაუდასტურდა კოვიდ 19. საცხოვრებლის თანამშრომლები გადაყვანილი იყვნენ იზოლაციაში, 14 დღის შემდეგ ჩაუტარდათ ტესტირება (უარყოფითი). რის შემდეგაც, მოხდა საცხოვრებლის ფუნქციონირების აღდგენა.



ტერიტორიაზე არსებულ ჩინურ სამშენებლო კომპანიაში განხორციელდა. კერძოდ: ჩინეთის რკინიგზის 23-ე ბრიგადა; ჩინეთის სახელმწიფო საინჟინრო-სამშენებლო კომპანია; კომპანია „სინო-ჰიდრო“. მათთვის მონიტორინგი ჩატარდა 28-29-31 იანვარს, განემარტათ მოქცევის წესები, დარიგდა საინფორმაციო ბუკლეტები და გაიკრა პლაკატები.

31 იანვარს, ჩინეთის სახელმწიფო საინჟინრო-სამშენებლო კომპანიაში ჩინეთიდან შემოვიდა 15 პირი, რომლებიც მოთავსდნენ კომპანიის მიერ სპეციალურად მომზადებულ საკარანტინო ზონაში. აღნიშნული პირები, 14 დღის განმავლობაში იმყოფებოდნენ ეპიდემიოლოგის კონტროლზე, პათოლოგიური სიმტომები არ გამოვლენილა. თებერვლის თვეში, ასევე იზოლაციაში იმყოფებოდა „სინო-ჰიდროს“ ორი თანამშრომელი.

2 მარტს, ხაშურის „გორმედის“ კლინიკაში თვითდინებით შემოვიდა ორი ირანელი მძღოლი, ცხელებით. რომლებიც გადაყვანილი იქნენ გორის სამხედრო ჰოსპიტალში (ანალიზით ვირუსი არ დადასტურდა). ჩატარდა ეპიდკვლევა. ხაშურის პოლიციის სამმართველოსთან ერთობლივად, განხორციელდა იმ მცირე სასტუმროების და სასადილოების თანამშრომელთა თერმოსკრინინგი, რომელთაც საერთაშორისო გადაზიდვების მძღოლები სარგებლობენ. სკრინინგი ჩაუტარდათ ადგილზე მყოფ მძღოლებსაც. დროებით ფუნქციონირება შეუჩერდათ აღნიშნულ დაწესებულებებს.

22 მარტს, სოფელ ჩუმათელეთში მომუშავე სამშენებლო კომპანიაში 14 ადამიანი ჩამოვიდა მარნეულის და ბოლნისის მუნიციპალიტეტებიდან. მოხდა მათი იზოლაცია. მათთან კონტაქტში მყოფ პერსონალს ჩაუტარდა თერმოსკრინინგი, ოფისში ჩატარდა სადეზინფექციო სამუშაოები. 22 მარტიდან 4 აპრილის ჩათვლით, იზოლაციაში მყოფ პირებს ცენტრის



12 ივნისს, თბილისის ერთერთ კლინიკაში დადასტურებული კოვიდ-19 შემთხვევის ოჯახის წევრები გადაყვანილი იყვნენ იზოლაციაზე. მიმდინარეობდა ეპიდ.დაკვირვება. პროტოკოლის მიხედვით, ორჯერ ჩაუტარდათ ტესტირება, პასუხი უარყოფითია.

მთელი პერიოდის (1 ივნისამდე) განმავლობაში, ეპიდდაკვირვება მიმდინარეობდა ხაშურში მცხოვრებ იმ მძღოლებზე, რომლებიც ინტენსიურად გადაადგილდებოდნენ მეზობელ ქვეყნებში

იანვარ-ივნისის პერიოდში, ხაშურში, თვითიზოლაციაში იმყოფებოდა 200-ზე მეტი პირი.

აპრილის თვიდან დაიწყო მიზნობრივი ჯგუფების ტესტირება. (ტესტირება ჩაუტარდათ სასწრაფო დახმარებისასევე კლინიკების მიმდებისა და რეამინაციული განყოფილების მედპერსონალს. ტესტირება გრძელდება 14 დღეში ერთხელ).

მიზნობრივ ჯგუფებს დაემატა დიალიზზე მყოფი პაციენტები და პერსონალი, ფსიქიატრიული საავადმყოფოს სამედიცინო პერსონალი, ქალაქში მოძრავი საზოგადოებრივი ტრანსპორტის მძღოლები. აღნიშნული ჯგუფების ტესტირებისათვის ნიმუშების აღება და ლუგარის ცენტრში გადაგზავნა დაიწყო 23 ივნისიდან.

პრევენციული ღონისძიებები ისევ ხორციელდება და ჩვენი სამსახური მზადაა დაიცვას მოსახლეობის უსაფრთხოება.

ახალუბანს რეაბილიტირებული წყლის სისტემა ექნება

ხაშურის მუნიციპალიტეტის ალის ადმინისტრაციულ ერთეულში შემავალი სოფელ ახალუბნის სასმელი წყლით მომარაგების სისტემის საპროექტო სამუშაოები დასრულებულია.

საპროექტო დოკუმენტაცია ხაშურის მუნიციპალიტეტს USAID Zrda პროექტმა გაფორმებული მემორანდუმის ფარგლებში უსასყიდლოდ გადმოსცა.

საპროექტო დოკუმენტაციის გადმოცემის დამადასტურებელ მიღება-ჩაბარების აქტს ხელი USAID Zrda პროექტის ხელმძღვანელმა ბრაიან კინგმა, ხოლო ხაშურის მუნიციპალიტეტის სახელით კი მუნიციპალიტეტის მერმა გიორგი გურასაშვილმა მოაწერეს.

ახალუბანში სასმელი წყლის სისტემის რეაბილიტაციის პროექტი თავად ალის თემმა შეარჩია პრიორიტეტული ინფრასტრუქტურული გეგმის შემუშავების პროცესში. პროექტის განხორციელების შედეგად რეაბილიტირებული წყლის სისტემით 30 ოჯახი ისარგებლებს.



პროექტი ზრდა საქართველოში
ZRDA ACTIVITY IN GEORGIA



აგროდიზელით ფერმერების უზრუნველყოფის სახელმწიფო პროგრამა შეუფერხებლად მიმდინარეობს

შიდა ქართლში, შედავათიან ფასად აგროდიზელით ფერმერების უზრუნველყოფის პროგრამის მიმდინარეობას გარემოს დაცვისა და სოფლის მეურნეობის მინისტრის პირველი მოადგილე გიორგი ხანიშვილი ადგილზე გაეცნო.

მინისტრის პირველი მოადგილე რეგიონში სოფლისა და სოფლის მეურნეობის განვითარების სააგენტოს დირექტორთან, ილია თამარაშვილთან, შიდა ქართლის რეგიონის რწმუნებულის მოადგილესთან, ნუგზარ სამხარაძესთან და კომპანიის „სოკარ ჯორჯია პეტროლეუმი“ დირექტორთან, ლევან გიორგაძესთან ერთად იმყოფებოდა.

„იმ შედავათებით სარგებლობას, რაც სახელმწიფოს მიერ იქნა განსაზღვრული სოფლის მეურნეობის ანტიკრიზისული გეგმის ფარგლებში, ფერმერები შეუფერხებლად შეძლებენ. პროგრამის მონაწილეები დიზელის საწვავს ფასდაკლებით მიიღებენ, რაც მნიშვნელოვანი მხარდაჭერაა“, - აღნიშნა გიორგი ხანიშვილმა.

კომპანიის „სოკარ ჯორჯია პეტროლეუმი“ დირექტორის, ლევან გიორგაძის განცხადებით, გარემოს დაცვისა და სოფლის მეურნეობის სამინისტროს პროექტის ფარგლებში, 20 მაისიდან, „სოკარის“ ავტოგასამართ სადგურებზე ფერმერები სახელმწიფო შედავათით შეუფერხებლად სარგებლობენ.

აგროდიზელით ხელშეწყობის პროგრამის ფარგლებში ფასდაკლების ბარათები ფერმერებისთვის ეტაპობრივად გაიცემა, როგორც იუსტიციის სახლებსა და საზოგადოებრივ ცენტრებში (my.gov.ge-ზე ვიზიტის წინასწარი დაჯავშნის პრინციპით), ასევე სოფლისა და სოფლის მეურნეობის განვითარების სააგენტოს რეგიონულ სამსახურებსა და მუნიციპალიტეტებში არსებულ საინფორმაციო-საკონსულტაციო ცენტრებში; 27 მაისიდან აგროდიზელის ფასდაკლების ბარათებს გასცემს ლიბერთი ბანკის ფილიალებიც.

ანტიკრიზისული გეგმის ფარგლებში, დიზელის შედავათიან ფასად მიღებას შეძლებენ სასოფლო-სამეურნეო მიწის ნაკვეთის მფლობელი ის ფიზიკური და იურიდიული პირები, რომელთაც გააჩნიათ საჯარო რეესტრის ეროვნულ სააგენტოში საკუთრებად რეგისტრირებული არანაკლებ 0.25 ჰა სასოფლო-სამეურნეო დანიშნულების მიწის ნაკვეთი, გარდა საძოვარისა, ან პირები, რომლებიც

მოახდენენ სასოფლო-სამეურნეო დანიშნულების მიწის ნაკვეთის პირველად რეგისტრაციას და დაზუსტებას.

პროგრამით მოსარგებლე ფერმერებისთვის გათვალისწინებულია 1 ჰექტარზე 150 ლიტრის, ხოლო 100 ჰა-ზე მეტი სასოფლო-სამეურნეო დანიშნულების მიწის ნაკვეთზე, არაუმეტეს, 15 000 ლიტრის ოდენობით საწვავის ფასდაკლების ბარათების გაცემა.

ბარათების გაცემა მოხდება პროგრამის ბენეფიციარის პირადობის დამადასტურებელი მოწმობის, ხოლო თანამესაკუთრების შემთხვევაში, დამატებით შესაბამისი მინდობილობის საფუძველზე. პროგრამით 200,000-ზე მეტი ფერმერი ისარგებლებს.



პირველ ივლისამდე, ფასდაკლების ბარათით შესაძლებელია არაუმეტეს 50 ლიტრის ოდენობის საწვავის შექმნა, 1 ივლისიდან 1 ჰექტარამდე - არაუმეტეს 300 ლიტრის, ხოლო 1 ჰექტარამდე, შესაძლებელია ნებისმიერი ოდენობის საწვავის ფასდაკლების ბარათების განაღდება.

პროექტის მიმდინარეობა ადგილზე დაათვალიერეს ხაშურის მუნიციპალიტეტის მერმა გიორგი გურასპაშვილმა, მერის მოადგილე ზურაბ როსებაშვილმა და ინფრასტრუქტურის განვითარების განყოფილების ხელმძღვანელმა გიორგი პაპიაშვილმა.

ხაშურის მუნიციპალიტეტის სოფელ ქვემო აძვისში გზის მოასფალტების პროექტი აქტიურ რეჟიმში ხორციელდება

მათი განმარტებით, ამ ეტაპზე მიმდინარეობს სრეშოვანი გზის მოწყოფის და ბალასტის დატკეპნის სამუშაოები. სოფელ ქვემო აძვისში გზის მოასფალტების პროექტი თანადაფინანსებით ხორციელდება. მისი ღირებულება 905 847 ლარია.

პროექტის დასრულების შემდეგ მოწესრიგებული საგზაო ინფრასტრუქტურით 400-ზე მეტი ადგილობრივი და სოფლის სტუმარი ისარგებლებს.



სურამში, მშვიდობის ქუჩა ახალ სახეს მიიღებს

მშვიდობის ქუჩაზე მიმდინარე სამუშაოები ადგილზე დაათვალიერეს ხაშურის მუნიციპალიტეტის მერმა გიორგი გურასპაშვილმა და მერის მოადგილე ზურაბ როსებაშვილმა.

მათი განმარტებით, მშვიდობის ქუჩის მოასფალტების სამუშაოების ღირებულება 1296 939 ლარს შეადგენს.

პროექტის ფარგლებში გათვალისწინებულია ასფალტის საფარის დაგება, ტროტუარებისა და სანიაღვრე არხების მოწყობა. სამუშაოები ადგილობრივი ბიუჯეტისა და რეგიონული განვითარების ფონდის თანადაფინანსებით ხორციელდება.

პროექტის განხორციელების შემდეგ, მნიშვნელოვნად გაუმჯობესდება ადგილობრივი მოსახლეობის საყოფაცხოვრებო პირობები და ტურისტული ინფრასტრუქტურა.



ინფრასტრუქტურული სამუშაოები განახლდა

ხაშურის მუნიციპალიტეტის მერიის ინფრასტრუქტურის განყოფილების ინფორმაციით, სამუშაოები მუნიციპალიტეტის მასშტაბით, გზის ყველა დაზიანებულ მონაკვეთზე გათვალისწინებული.

ხაშურში სამუშაოები მაისის ბოლოს დასრულდა, დღეისათვის კი, გზების რეაბილიტაცია სურამის მიმართულებით გრძელდება.

გზების სარეაბილიტაციო სამუშაოების პროექტს მთლიანად მუნიციპალიტეტის ბიუჯეტი აფინანსებს და ჯამში 119 037 ლარს მოიცავს.

სასტუმრო "მწერლები"-ქვიშხეთში, უმაღლესი კლასის სასტუმრომ პირველი ვინიტორები მიიღო



შიდა ტურიზმის გახსნასთან ერთად, სააგენტოს "აწარმოე საქართველოში" მხარდაჭერით, სოფელ ქვიშხეთში, სასტუმრომ "მწერლები" ფუნქციონირება დაიწყო. "შიდა ქართლში მსგავსი დონის სასტუმრო პირველია, რაც ნამდვილად მნიშვნელოვანია რეგიონის ეკონომიკური თუ ტურისტული განვითარების თვალსაზრისით. დარწმუნებული ვარ, ქვიშხეთი და თვითონ სასტუმრო "მწერლები" მიმზიდველი ლოკაცია იქნება, როგორც უცხოელი, ისე ადგილობრივი დამსვენებლებისთვის",- აღნიშნა სასტუმროს გახსნისას შიდა ქართლის გუბერნატორმა გიორგი ხოჯეანიშვილმა, რომელთან ერთად, გახსნის ღონისძიებას ეკონომიკისა და მდგრადი განვითარების სამინისტროს მოადგილე ირაკლი ნადარეიშვილი და სააგენტოს "აწარმოე საქართველოში" დირექტორი მიხეილ ხიდურელი ესწრებოდნენ.

პროექტის ინვესტიციის ჯამური მოცულობა 15 მილიონ ლარზე მეტს შეადგენს და პირველი ორი წლის განმავლობაში, ადგილი სესხის საპროცენტო განაკვეთს სააგენტოს "აწარმოე საქართველოში" დააფინანსებს. 20 ნომრიან სასტუმროში, ამ ეტაპზე, 30 ადამიანი დასაქმდა, თუმცა, სამომავლოდ, სასტუმროს მენეჯმენტი 40-მდე ნომრის დამატებას და დასაქმებულთა გაზრდას გეგმავს. აღსანიშნავია, რომ დასაქმებულთა უმრავლესობა ადგილობრივია.

სასტუმროში განთავსებულია ქართული ტრადიციული კერძების რესტორანი, ლაუნჯი, საკონფერენციო დარბაზი, მინიკინოთეატრი და ბავშვთა ოთახი. სასტუმროს ტერიტორიაზეა ორი აუზი, ღია და გადახურული ვერანდა, სათამაშო მოედანი და ვერტმფრენის დასაჯდომი მოედანი.

სასტუმრო "მწერლები" ულამაზესი ხედებით და უმაღლესი კლასის მომსახურებით მართლაც მნიშვნელოვანი ნაბიჯია ჩვენს მუნიციპალიტეტში ტურიზმის განვითარების თვალსაზრისით.



დაბა სურამში, ზინდისის დასახლებაში, მინი სტადიონის მშენებლობა მიმდინარეობს!

„მოსახლეობის ინტერესებიდან გამომდინარე და ცხოვრების ჯანსაღი წესის ხელშეწყობის მიზნით, ხაშურის მუნიციპალიტეტში მინი-სტადიონების მშენებლობა -რეაბილიტაცია ჩვენთვის ერთ-ერთ მთავარ პრიორიტეტს წარმოადგენს. ამჯერადაც, დაბა სურამში, ზინდისის დასახლებაში მინი სტადიონის მშენებლობისთვის ადგილობრივი ბიუჯეტიდან 100000 ლარი გამოვყავით. მუნიციპალიტეტში სპორტული ცხოვრების ხელშეწყობის ტენდენცია კვლავაც აქტიურად გაგრძელდება“. -აღნიშნა სამუშაოების დათვალიერებისას ხაშურის მუნიციპალიტეტის მერმა გიორგი გურასპაშვილმა.



მერთან ერთად, ადგილზე იმყოფებოდა მერის მოადგილე ზურაბ როსებაშვილი, მისი განმარტებით, პროექტის განხორციელების შემდეგ, მუნიციპალიტეტში სპორტული ცხოვრებისთვის, კიდევ უფრო მეტი სივრცე შეიქმნება. ვინაიდან სურამში ტურისტული ზონაა, აღნიშნული მინი სტადიონით ისარგებლებს როგორც ადგილობრივი მცხოვრები, ასევე ჩამოსული სტუმარი, რაც მნიშვნელოვნად შეუწყობს ხელს ტურიზმის განვითარებასაც.

საქართველოში პროფესიული განათლების მიღება ყველა დაინტერესებული პირისთვის ხელმისაწვდომია

სახელმწიფო სრულად აფინანსებს სწავლას სახელმწიფო სასწავლებლებში და ნაწილობრივ კერძო კოლეჯებში, პრიორიტეტულ მიმართულებებზე.

პროფესიული განათლების მიღების მსურველთა რეგისტრაცია დაიწყო და 10 აგვისტომდე გაგრძელდება

მთელი საქართველოს

მასშტაბით საჯარო და კერძო პროფესიული დაწესებულებები სტუდენტებს 120 პროფესიულ პროგრამაზე მიიღებენ.

მაღალია და მზარდია პროფესიული პროგრამების კურსდამთავრებულთა დასაქმების მაჩვენებელი (არსებული მონაცემებით: 2016 - 56% 2017 - 60% 2018 - 62%)

წელს პირველად:

ცხრა კლასის განათლების მქონე პირები შეძლებენ სწავლა განაგრძონ ინტეგრირებულ პროგრამებზე 10 კოლეჯში და მიიღონ დიპლომი, რომელიც უთანაბრდება სრული ზოგადი განათლების ატესტატს.

შემუშავდა ჩარიცხვის ახალი მიდგომა, რომელიც ზრდის ახალგაზრდების, სოციალურად დაუცველი და სპეციალური საგანმანათლებლო საჭიროების მქონე პირების პროფესიულ განათლებაზე წვდომას.

პროგრამებზე, რომელზეც არ დაფიქსირდება კონკურსი, აპლიკანტები ჩაირიცხებიან ეროვნული ტესტირების გარეშე, დაწესებულების შიდა შერჩევის გზით.

რეგისტრაციისთვის, კოლეჯების ჩამონათვალის და სხვა დამატებითი ინფორმაციის სანახავად იხილეთ ბმული → www.vet.emis.ge

პროფესიული განათლების მიღების მსურველთა რეგისტრაცია დაიწყო
20 მაისი - 10 აგვისტო

vet.emis.ge

ა(ა)პ ხაშურის მუნიციპალიტეტის გაზეთი „ხაშურის მოამბე“. დირექტორი გიორგი გოგალაძე, მისამართი: ხაშური, ტაბიძის ქუჩა №2. ტელეფონი: 24 30 27. E-mail Khashurismoambe2015@gmail.com მიმღების დასახელება: ხაზინის ერთიანი ანგარიში, საიდენტიფიკაციო კოდი 443860984, სახელმწიფო ხაზინა TRESGE22, სახაზინო კოდი: 749547499. P-ით მონიშნული სტატია იბეჭდება დაკვეთით გაზეთი იბეჭდება თბილისში. რედაქტორი რობერტ სუხიაშვილი.